

2 Timoteo

Jachuayama

¹ Atše Pablo, Jesucristbe ichmoná sëndmëna, Bëngbe Bëtsá chca yobóseyeca. Jesucristo šonjichmó entsanga jábuayenama Bëngbe Bëtsabe šbuachenánama, ntšamo cha inétsamama entsanga chë nÿetsca tescama yomna tšabe vida chamotsebomnama; y chca vida montsebomna Cristo Jesúseftaca cánÿiñe mo canÿacá bétsemnayeca.

² Atše quem tsbuanácha cbontsabobiamná, acbiama Timoteo, aca mo atšbe bonshana uaquiñacá, Crístbeñe condošbuachema. Atše sëntseimpadana, Bëngbe Bëtsá, Bëngbe Taitá, y Jesucristo, Bëngbe Utabná, chaboma áceñe tšabe bendicionënga chaotsemnama, chata ácbioye chacmolastemama, y acbe ainaniñe tšabe ebionana chacotsebomnama.

Ndoñe ntsëuatjana entsángbeñe Jesucristbiana jóyebuambayama

³ Sempre Bëngbe Bëtsáftaca stsencuénta ora, acbiama sëndbétsenojuabnaye, y acbiama sëndbétsatschuanaye bnëtë y ibeta; y Bëngbe Bëtsá endmëna nda atše sëndëservena, ainánaca jtsejuabnayëse y jtsetatšëmbëse, ntšamo atše stsamcá tšabá bétsemnama, cachcá ntšamo atšbe bëts taitanga tmojanmcá.

4 Atše sēndbētētenojuaboje ntšamo aca, chocana atše sēntanabo ora shēchbuiye tconjanoperdema, y chíyeca atše tša sēntseboše aca jtētīnyama, atše puerte oyejuayá chaitsemnama.

5 Bēngbe Bētsá acbiamā sēndbatschuaye, er atše sēndbātenojuaboje aca Jesucrístbeñe ndegombre ošbuáchiyana condbomnama. Natsana, acbe bēts mamá Loida, y chentšana acbe mamá Eunice chábeñe bontsanošbuáchīye, y ácnaca cachcá tcojama atše puerte sēndētatsēmbo.

6 Chíyeca sempre cochtsantješna quem uámana soyama: Mo nda canye shinýañe tojtsajuinýinýnacá, chentše sempre chaotsoiñama, cachcá aca, chē Bēngbe Bētsá tcmojatšetá obenana tšabe soyēnga jamama, sempre cochtsinýena. Chē obenana aca conjanóyēngacñe, atšbe cucuatšēnga acbe bestšašīñe sēnjanjajó y Bēngbe Bētsá acbiamā sēnjanimpadá ora.

7 Er Bēngbe Bētsá tonjama bēngbe ainaniñe Uámana Espíritu chaotsemándama, uatjana ndoñe ntsebomnama, ndayá obenana bēnga chamotsebomnama, bonshánana Bēngbe Bētsabiamā y nyetscangbiamā chamotsebomnama, y cabēnga jenomándama chamotsobenama.

8 Chíyeca, ndoñe cattšēuatja entšanga jáuyanama, ntšamo tcojinýe y cojtsetatšēmbcá Bēngbe Utabnabiamā ndegombre bētsemnama; ni atšbiamā ndoñe cattšēuatja, atše cárceloye sēndutámenama, chabiamā oservenā causa. Chamna, chē Bēngbe Bētsá cmochanjátšetaye obenánaca, siempre cochtseprontana jasúfriama, átšeftaca y ínýengaftaca, entšanga tšabe noticiēnga abuayiynaye causa.

⁹ Bëngbe Bëtsá endmëna nda bënga šojatsebacá, y šojáchembo jtsiyenama mo chábenga imomnëngcá jtsamëse. Y cha chca tojama, ndoñe nderado bënga ndaye tšabe soye tmojamama, ndayá cachá chca chaotsemnana inabóšeyeca y bëngbe tšabiana juabna bómnyeca. Cha chca inajuabnaye, cabá quem luare ndmëna orscana; y chca jamama Bëngbe Bëtsá inajuabnaye, chë ndayá Cristo Jesús bëngbiana jamama sóyeca.

¹⁰ Y mora, Bëngbe Atsebacayá Jesucristo tojáboyeca, Bëngbe Bëtsá šojinÿanyé cha bëngbe tšabiana juabna yobomnana. Jesucristo tonjama, entšanga nÿetsca tescama obanënga ndoñe chamondëtsemnana, y tonjama bënga chamotsetatšëmbuama, chë tšabe noticiënga chabiana jounëse y joyeunayëse, bënga chë nÿetsca tescama yomna tšabe vida mochjábomnana, ndoñe nÿe jopochócama cuerpënguiñe.

¹¹ Bëngbe Bëtsá šojanábuayana tšabe noticiënga entšanga jábuayenama, Jesucristbe ichmoná jtsemnana y entšanga jabuátambama.

¹² Chë causa, atše mora cárceloca quem soyënga sëntsesufrina; pero chama atše ndoñe quetsátëuatja, er atše sëndëtatšëmbo ndábeñe atše stsošbuáchema, y corente sëndëtatšëmbo cha yobena jtsinÿenana ndayá šojabonÿecá, chë ndayté cha yochjésabëntscuana.

¹³ Nÿets tempo, chë ndegombre buayenánana, ndayá átsbentšana tconjanuencá, entšanga cochtsabuayiynaye, entšanga jtsinÿanÿayëse aca Jesucristbeñe icošbuáchema, y Bëngbe Bëtsá

y n̄yetscanga icuababuán̄yeshanama, y chca yomna aca Cristo Jesúseftaca cán̄yĩñe mo can̄yacă b̄tsemnayeca.

¹⁴ Ch̄e Uámana Espírítu, ch̄e b̄ngbe ainaniñe endoyenabe uajabuáchenanaca, nt̄samo B̄ngbe B̄tsá tcmojabon̄yēcá sempre cochtsin̄yena.

¹⁵ Nt̄samo ya cond̄etats̄embcá, n̄yetsca ošbuáchiȳenga Asia luaroqūenga cachcá šmonjeson̄yá, y chentše bontsemna Figelo y Hermógenes.

¹⁶ Pero B̄ngbe Utabná Onesíforbe pamíllanga chaotsalastemana, er cha ba soye šonjanañemó, y atše cárceloye utámenama cha ndoñe quenjat̄euatja.

¹⁷ Masna, Romoye tojabánashjango ora, cha botamana šojánguango y šonjánin̄yena.

¹⁸ B̄ngbe Utabná lastemado cháftaca chaotsemna, nt̄samo n̄yetscanga tmojamcá tšabá o ndoñe tšabá yontsemnama cha yochjayana ora. Aca corente cond̄etats̄embo ntsachetšá Onesíforo Efeso puebloca šonjanéjabuachama.

2

Jesucristbiana can̄ye tšabe soldado

¹ Y aca, atšbe uaquiñá, ch̄e Cristo Jesús acbiana tšabe juabna yobomnentšana, b̄tscá añemo ainaniñe cochtsebomna.

² Nt̄samo ba entsangbe delante šconjoyeunacá, cach buayenánana, boyabásenga n̄yetscañe tšabe palabra bomn̄enga cochjában̄ȳiye, y chamotsobena ín̄yenga cachcá jabuátambama.

³ Aca, ch̄e b̄nga fs̄endbomna padecena soȳengama jasúfriama chacmojtsemna ora, Jesucristbe soȳengama entsanga abuayiynaye

causa, ainaniñe bēts añemo cochtsebomna, mo canye tšabe soldadca, cha chabe mándayabiana jasúfriana.

⁴ Ndocna soldado ntjatanana shjoca soyēnguiñe vida jtsebomnama o crocénana juácanama. Soldado chca jtsamana, chabe mandayá, chca chaotsemnama tbojabocacá cha, oyejuayá chaotsemnama.

⁵ Y canye travisiayá, ínÿenga jáyēnjanama, canye soye juácanama; pero ntšamo chē uacanánana jocñama tomncá ndoñe tonjatravisiase, cha chē soye ndoñe ntjosháchiñama. Cachcá, acbe trabajo cochjama ntšamo cmojtsemncá.

⁶ Chē jajañe trabajayá derecho jtsebomnana chē natsaná jtsemnama, chē tmojatbaná sananguentšana ndayánaca jtsebomnama. Acaftaca cachcá echanjopása, chē trabajo tšabá chacojamēse.

⁷ Chē cbontsatsētsnañe cochtsenójuabnaye, y Bēngbe Utabná echanjama lempe chacmósertama.

⁸ Sempre cochtsenójuabnaye Jesucristbiana, ndabiama Bēngbe Bētsá tojanma cháuatayenama y enjamna canya rey Davídbentšana entšá, ntšamo atše chabiana sēndabuayiyná tšabe noticiēnguiñe endmēncá.

⁹ Chca abuyaiynaye causa, atše sēntsesufrina, nya cadenējuangácnaca utsbuaná, mo canye bēts bacna soye ochjajnayacá. Pero masque atše chca sēntsemna, chē Bēngbe Bētsabe soyēngama buayenánana ínÿenga entšángbioye montsabuatambá.

¹⁰ Chíyeca atše nyetsca padecena soyēngaca sēndētsóboyana, Bēngbe Bētsabe bocacánēngbe

tšabiamama, chëngnaca atsebácanënga chamotsemnama, Crístbeñe jtsošbuáchiyëse; y Cristo Jesús bëtsëtsanga cháuabiamama, y cháftaca nyëtsca tescama chamotsiyenama.

¹¹ Mëntšá ndegombre endmëna:

Cristo Jesús tojanóbana ora, enjamna mo bëngnaca cuafjobancá, er bënga tmontsajbaná oye-nana ntšamo tempo monjaniyencá y Jesucrístbeñe montsošbuaché;

y chca, bëngnaca cháftaca mochantsiyena;

¹² bënga chë padecena soyëngaca tmojtsesufrina ora,

tmojtsemorochëse, bëngnaca Jesucrístoffaca mochántsemandaye.

Bënga tmojayana, cha ndoñe monduabuatma ca, as cha bëngbiámnaca cachcá echanjayana;

¹³ bënga chábeñe ndoñe tmontsošbuáchese,

masque chca, cha cabá echanjama ntšamo tbo-jašebuachenacá,

er cha lempe jamana, ntšamo sempre iuetsemncá jtsinÿanÿnayëse.

Canÿe trabajayá, ndáftaca Bëngbe Bëtsá jtsóyejuayana

¹⁴ Chë tcbonjauyana soyëngama, cochjama chë entšanga chamotsenójuabnama, y Bëngbe Bëtsabe delante cochjábuayenaye chënga ndoñe yontsamna nÿe palabrëngama jabuachana enatsëtsnayana; er chca, ndocna tšabe soye ntjamana, y chca tmojt-senatsëtsná ora, jamana chë soye ouenanënga más batsá chamotsošbuáchema, y jujabuáchana chëngbe tšabe juabnënga jtsondbiamama.

¹⁵ Lempe ntšamo icobencá cochtsama, aca chacotsemnama mo canye entsá ndabiana Bëngbe Bëtsá cháuyana nyetsca soyënguiñe tšabá amá yomna ca; aca chacotsemnama mo canye trabajayacá, nda tondaye tontsebomna ndayama jatëuatjama; y chacotsemnama chë ndegombre buayenánana corente tšabá buatëmbayá.

¹⁶ Entšanga nye quem luarentša soyëngama, ndoservena palabrënga tmojtsencuënta ora, chë soye ndoñe cattsuenana; er chë soye jamana entsanga puerte inyetsá chamobocanama, ntšamo Bëngbe Bëtsá ndoñe yondmëncá, inyetsá jtsejuabnayëse y jtsamëse.

¹⁷ Chëngbe buatëmbana soyëngaca puerte bacá inyëngbioye jáborlana, nya mo canye uabouana šocana chamotsebomnama cuafjamcá. Chca bu-atëmbayënguentše Himeneo y Fileto bontsemna.

¹⁸ Chata chë ndegombre benachentsana tbojtsojuánañe, y ibojtsichamo chë obanënga chámuatayenama Bëngbe Bëtsá ya catënjama ca, y Jesús chaojésabo ora, nyetscanga chámuatayenama Bëngbe Bëtsá ndoñe yochanjama ca. Chë causa, chata bontsama básefta entsanga chë ntšamo Jesucristbeñe imojanošbuachecá, mora ya ndoñe chamondëtsošbuáchema.

¹⁹ Pero Bëngbe Bëtsabe ndegombre buayenánana nyets tempo cachcá endesomñe, y ndocná quenátobena chë soye jatrócama. Chca endmëna mo chë ndëtšbenga ndayiñe canye bëts yebna tojebncá, ndayiñe mëntsá yojtsábemana: “Bëngbe Utabná endëubuatma chë chábenga imomnënga”, y “Nyetscanga chë Bëngbe Utabná benga imomnënga ca tmojtsichámënga, chamuajbaná nyetsca bacna

soyënga amana ca”.

²⁰ Canye uámana entsabe yebnentse, tsafjoca soyënga ndoñe nye castellano o midio soyënga ntsemnana, ndayá niñëse y fshantse soyëngnaca; chë natsana soyënga uámana tescama jtsebuájonana, pero chë inye soyëngna, nye nyets tempo chauetsoservénama.

²¹ Chca endmëna chë Jesucristbeñe imojt-sošbuachéngbeñe, ndoñe nyetscanga tmontsajbaná bacna soyënga juabnayana y amana, ni chë chca tmojtsama entšángbentšana ndoñe tmontsojuaná. Pero, chca jtsojuánañama tojtsebošá, echántsemna canya Bëngbe Utabnabiama tšabe trabajayá; y chca, mo chë tsafjoca castellano y midio soyëngcá, canye uámana trabajuiñe echanjosérvia, y cha sempre echántseprontana ndaye tšabe soye jamama.

²² Chíyeca, ntšamo básefta bobontsënga bacna soyënga jamama mondbošcá, ndoñe cattsama; pero aíñe cochtsiyena ntšamo Bëngbe Bëtsabe bominyiñe tšabá yomncá jtsamëse, Jesucristbeñe puerta cochtsošbuáchiye, Bëngbe Bëtsá y inyënga cochtsababuányëshana y nyetscángaftaca natjëmbana cochtsomñe, chë chaújabuachama Bëngbe Utabná mondbetsotsëmbuanëngaftaca cányiñe, ndocna bacna soye ainaniñe ntsebomncá.

²³ Ndoservena soyëngama palabrënga y ndosertánentsana óbocana soyëngama ndoñe cattsuenana; aca corente condétatšëmbo chë soyënguentšana entšanga nye jabuachana enatsëtsnayıñe jabocanana.

24 Pero chë Bëngbe Utabnabiamá oservená ndoñe quebnátsmëna ínÿengaftaca jabuachana ntsenatsëtsnayana; chamna, cha bontsemna jtsababuánÿeshanëse nÿetscanga jtsénÿayana, jtsemnana tšabe buatëmbayá y ínÿengaftaca uantadá.

25 Cha bontsemna, chë chabe contra y chabe buayenánama contra imomnënga, chë ndegombre soyënga jabuátambama, pero ndoñe ntjaten-abotamnaycá. Chca bontsemna, nderado Bëngbe Bëtsá nanjama chca juabnayana chamotrocama, y chca, chënga chë ndegombre soyëngama chamotsetatšëmbuama;

26 chënga botamana chamuatsjuaboma, y Bëngbe Bëtsá, Satanasbe cucuatšënguentšana cháuatsebacama. Satanás chënga tojanëtabá ntšamo cha tojtsebošcá jamama, mo bayënga canÿe uachmaniñcá.

3

Ntšamo entšanga mochtsemna, Cristo jésabama chaojtsobeco ora

1 Pero aca cmontsemna jtsetatšëmbuana, Cristo jésabama tempo chaojtsobeco ora, entšanga echántsamna puerte padecena soyënguiñe jtsiyenana.

2 Chca echántsemna, er entšanga, cada ona nÿe cachabe tšabiamá echanjésenojuabnaye, crocénana jtsebomnama tša mochántseboše, mochántsemna enábotamnayënga y ínÿengbioye mo nduamanëngcá mochantsénÿaye. Bëngbe Bëtsabiamá y ínÿengbiama bacá mochantsóyebuambnaye, chëngbe bëtsëtsangbioye ndoñe quemochátayaunana, ni

chëngbiamá tšabe soyënga tmojtsamëngbioye quemochtëtachéuanaye, y Bëngbe Bëtsabiamá y chabe soyëngama ndoñe respeto quemochátSBomna,

³ ni cachëngbe pamíllangbioye quemochátababuanÿeshana, mochántsebošë ndoñe natjëmbana jtsiyenama, uayátsenayënga mochántsemna, cachënga jenomándama ndoñe quemochátobena, mo ainana ndbomnëngcá mochántsemna, y nÿetsca tšabe soyënga uaboténënga.

⁴ Chënga, uayayëngbe cucuatšinë entšanga ayentšbáshejuanënga mochántsemna, mochántsama soyënga tondayama ntjatsrreparánëse, y cachënga uámana entšangcá mochántsenobiamnaye; chënga Bëngbe Bëtsá jatsbobonshana cuenta, cachëngbe cuerpiñe tšabá jtsomñama soyënga mochántsebošë.

⁵ Inÿënga echantsinÿana mo ndegombre Bëngbe Bëtsá adórayënga chënga cuaftsemncá, pero chë mochántsama soyëngaca mochanjínÿanÿiye, Bëngbe Bëtsá obená bëtsemnama chënga ndoñe mondošbuáchema.

Nÿa tondayama chëngaftaca cattsençuéntaye.

⁶ Chënguentšë báseftanga mondmëna, y chëngna botamana palabrëngaca yebnënguenache jamashjnana, y chenache, chë paselo yomna jáingñama shembásënga jtsaíngñayana, chëngbe buatëmbana soyënguiñe chamotsošbuáchema. Chë shembásënga bëtscá bacna soyënga tmojama, y chë causa ndoñe corente natjëmbana montsiyena, y ba ndoñe tšabe soyënga imojtsama nÿe cachënga tšabá jtsemnama, ntšamo tmojtsebošcá.

⁷ Chënga nÿets tempo nÿe ndaye tsëm soye jatóntšana jatatsjínÿana, pero ndocna te

ntjobenayana Bëngbe Bëtsabe ndegombre soyënga josértama.

⁸ Ntšamo Janes y Jambres Moisesbe contra ibojamncá, cachcá, chë ínÿenga jáingñama abuátambayënga nÿetsca ndegombre soyëngama contra jtsemnana. Chë entsanga chëngbe juabniñe nÿe bacna soyënga jtsebomnana, y Bëngbe Bëtsá chënga tojtsëbaté, chënga chë ndegombre soyënguiñe ndoñe ntsošbuáchiyana causa.

⁹ Pero chënga ndoñe quemochatobenaye bëtscá entsanga jáyënjanama, er nÿetsca entsanga mochanjátatšëmbona chënga nÿe bacna soyënga juabnayënga imomnana, mo chë Israeloca entsanga tmojantatšëmboncá Janes y Jambres nÿe chca juabnayata bëtsemnana.

Inÿe soye Timotéobiye tbojanbonÿé

¹⁰ Pero acna, puerta tšabá condétatšëmbo ntšamo atše tijabuatambacá, ntšamo jtsamëse atše tsiyena, ndayá jamama tsjuabná, ntšamo atše Jesucristbeñe puerta tsošbuaché, ntšamo ínÿengaftaca uantado tsmëna; ntšamo atše, Bëngbe Bëtsá y ínÿengbioye tsababuánÿeshana; ntšamo atše, Bëngbe Bëtsábeñe jtsobátmanëse,

¹¹ ínÿenga šmonjanacmena ora; y sënjansufrina ora, padecena soyënguiñe bëts añemo tsjánbomna. Acnaca condétatšëmbo ntšamo atše chama Antioquía, Iconio y Listra bëts pueblëngoca tsjansufrínama. Pero masque entsanga tša šmonjanacmena, atše lempe sënjánauantana, Bëngbe Bëtsábeñe jtsobátmanëse, y cada ora, Bëngbe Utabná chëngbentšana šonjanatsbocá.

12 Ndegombre endmëna, nÿetscanga chë Bëngbe Bëtsá jadórana soyënga jtsamëse jtsiyenama bošënga, y Cristo Jesúseftaca cánÿiñe mo canÿacá imomnënga, puerte mochanjasúfria, chca bëtsemnama, chënga chamosufrima ínÿënga chamojtsama ora;

13 pero chë bacna entsanga y chë ínÿënga áingñayënga, cada te más bacna entsanga mochántsemna, más bacna soyënga jtsamëse; chënga ínÿëngbioye mochántsaingñaye, pero cachëngnaca ingñénënga mochántsemna.

14 Pero aca, nÿets tempo cochtsejuabnaye y cochtsama lempe ntšamo tcojuatsjinÿcá, chë ndegombre soyëngcá cojtsošbuácheñe, er aca tšabá condëubuatma chë tmojanbuátëmbanga;

15 y aca, cabá básetema conjamna orscana, chë Bëngbe Bëtsabe uabemana palabrëngama condétatšëmo, chë ndaye sóyeca aca contsobena juatsjínÿana, Bëngbe Bëtsá chacmatsbocama, Cristo Jesúsbeñe jtsošbuáchiyëse.

16 Bëngbe Bëtsá, Uámana Espíritbeyeca tonjama, lempe ntšamo Bëngbe Bëtsabe uabemana palabrënguiñe yobinÿncá entsanga chamuábemama. Chë uabemana palabra endoservena, bëngbioye chë ndegombre soyënga jabuátambama; nderado ndaye soye ndoñe tšabá tmonjamama bënga chamotsetatšëmbuama, jinÿanÿiyama ntšamo más tšabá chë soyënga muanjobenaye jamama; y bëngbioye jabuátambama ntšamo jtsiyenama chë Bëngbe Bëtsabe bominÿiñe tšabá yomna soyënga jtsamëse;

17 chca, canÿe entsá Bëngbe Bëtsabiamana oservená

y obená chaotsemnama, tšabá chaotsetátšëmbo y sempre chaotseprontana nyetsca tšabe soyënga jtsamama.

4

¹ Bëngbe Bëtsabe delante y Cristo Jesús, nda echanjabo mo reycá jabomándama y jabáyanama chë ainëngbiana y chë ya mochjóbanëngbiana, ntšamo chëngbe vidënguiñe tmojëftsemcá tšabá o ndoñe tšabá bétsemnama, chatbe delante cbo-mandá,

² Bëngbe Bëtsabe palabra entšanga chacotsabuayiynayama; siempre chca jamama cochtseprontana, masque entšanga aíñe o ndoñe jouenama tmojtsebošëse. Cochjama, ínÿënga bacna soyënga tmojtsamama chamot-setátšëmbo, chca tmojtsamama cochjucácana y cochjábuayenaye ndayá jamama yojtsamnana. Siempre chca cochtsabuátambaye, chca ora puerta uantado jtsemnëse.

³ Chca cochtsama, er canÿe tempo echanjóshjango y chora entšanga chë ndegombre buatëmbana soye ndoñe quemochátuenana; chamna, nÿe chë último tsëm soyënga jtsetatšëmbuama boše causa, ba abuátambayënga mochanjuánguango, y chënga mochántsihamo soyënga nÿe ntšamo cach entšanga jouenama tmojtseboščá.

⁴ Chënga chë ndegombre soyënga ndoñe quemochátuenana, y nÿe ndaye cuentënga mochántseyeunana.

⁵ Pero aca, siempre botamana cochtsejuabnaye; chë padecena soyëngama chacojtsesufrina ora,

añemo cochtsebmoma; chë Jesucristbiamama tšabe noticiënga entšanga abuyaynayabe trabaja cocht-sama; y nÿa cochtsentsëna ndayá Bëngbe Bëtsá tcmojabonÿecá tšabá jtsamama.

⁶ Er mo Bëngbe Bëtsábioye jëtschuayama, canÿe bayá obanáftaca tcojabuešcÿa vínoye jtsopochocancá, cachcá atšbe vídnaca ya jopochócama entsemna. Atše jóbanama bécoñe entsemna; chanjóbana ora echántsemna Bëngbe Bëtsá oyejuayá chaotsemnama.

⁷ Cristo Jesusbe soyëngama corente sënjenojuerzá. Mo canÿe travisiayacá, chë jashjanguama yomna luaroye ya tojashjangcá, átsnaca ya, ntšamo Bëngbe Bëtsá yobošcá atše jtsamëse, atšbe trabaja ya tijapochocá. Atše nÿets tempo Jesucristbeñe sëndošbuaché.

⁸ Chcasna, atšbiamama canÿe uacanana soye echántsemna, er Bëngbe Bëtsá tojama atše chabe bominÿiñe tšabia chaitsemnama. Bëngbe Utabná endmëna chë ndegombre tšabá ichamuá entšanga aíñe o ndoñe tšabá tmonjamama, y cha chë uacanana soye šochántatšetaye, entšanga ntšamo tmojamama cha chaojabáyana ora. Pero cha nÿe atše ndoñe chë uacanana soye quešochtëtätšetaye, ndayá nÿetscángbioye chca, ndëmuanÿenga puerte imoboše cha cachiñe cháuesabama, cha imobobonshánayeca.

Inÿe soyënga Timoteobiamama

⁹ Lempe ntšamo tcojobenacá cochjama betscó jabama atše jabínÿama;

¹⁰ er Demas, cha yapa nÿe quem luarentša entšangbe soyënga bošá enjamna, cha cachcá

šonjesonýá y Tesalónica puebløye tojtsoñe. Crescente Galacia luaroye tonjá y Tito Dalmacia luaroye.

¹¹Nýe Lucas, chë šmonjanájabuachanënguentsana, mora átšeftaca entsemna. Marcos cochjaftsenguango y ácaftaca cochjëftsbetše, er cha atšbe trabajuama puerte oservená endmëna.

¹²Tíquico, Efesoye sënjichmó.

¹³Chacøjabo ora, uabonjanía šcochjesacñe, atše Troas bëts puebloca, Carpbe yebnoca tijésaboshjona; chë librëšangánaca, pero chë uámana uabemana tsbuanachangá ndoñe chacmondétsebnatjëmba.

¹⁴Alejandro, chë cobre soyënga pormayá, puerte bacá šonjaborlá. Bëngbe Utabná bochanjacastíga, ntšamo atše šojaborlama.

¹⁵Chabiamá cuedado cochtsebmna; cha tojobenase ntšámnaca cmatjabórla, er cha chë bënga mondabuayiyná soyëngama contra entsemna.

¹⁶Chë natsana soyama, mándayëngbe delante šonjanotocá jenëuyanama ora, atše ndocná chešnátanajabuache; nýetscanga cachcá šmonjésonýaye. Pero atše sëntsobátmana, Bëngbe Bëtsá chama chënga chaotsaperdoná.

¹⁷Pero Bëngbe Utabná aíñe šonjanájabuache y tonjanma atše bëts añemo jtsebmnama, y chcace, atše sënjanobená Jesucristbiamá nýetsca chabe tšabe noticiënga entšanga jábuayenama, y chë luarentša ndoñe judiënga tmonjanobená chë soye jouenama. Mëntsá, Bëngbe Utabná canýe uabouana resjuentsana šonjanatsbocá, mo canýe león jtsosañámentsana ndábioye cuafjatsbocacá,

18 y Bëngbe Utabná šochanjatsbocá, bacna soye ndocná chašondëborlama; y sempre jtsinÿenëse, celoye, chë ndayentše cha yománda luaroye šochanjesbetše. ¡Nÿetscanga nÿetsca tescama cha chamotsatschuaná! Chca chaotsemna.

Pablo Timotéobiye jadiósoftanama

19 Atšbe cuenta cochjácheuaye Prisca y Aquila, y Onesíforbe pamílnaca.

20 Erasto, Corinto puebloca tontsoquedañe, y Trófimo Mileto puebloca šocá sënjëftseboshjona.

21 Lempe cochjama, uaftena tempo chaondóshjango ora moye jabama. Acnaca cmontsechuaná Eubulo, Pudente, Lino, Claudia y nÿetscanga muentše Jesucristbeñe ošbuáchiyënga.

22 Atše sëntseimpadana, Bëngbe Utabná Jesucristo ácaftaca chaotsemna, y Bëngbe Bëtsá tšëngaftangbeñe tšabe bendicionënga chaotsemnama chaoma.

Bëngbe Bëtsa Cabëngaftaca Entsoyebuambna New Testament in Camsá

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Camsá

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
19104c0e-9046-5ff3-82fb-eb838c88dcf9